

Ո Ր Ո Շ ՈՒ Մ N 238

վարչական գործի վարույթը կարճելու մասին

23 օգոստոսի 2021թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի պաշտոնակատար Վանիկ Հավհաննիսյանս, քննելով Մանուկ Աբրահամյանի (Հայաստանի Հանրապետության քաղաքացի, անձն. AT 0350283, հասցե՝ ք.Գյումրի, Երևանյան խճ.127, բն.22) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Մանուկ Աբրահամյանը 18.05.2021 թվականին թիվ 05100022/180521/0008653 տարանցման հայտարարագրով Ռուսաստանի Դաշնություն է արտահանել խառը ապրանքներ: Տարանցման հայտարարագրի ավարտի վերջնաժամկետը նշված է 28.05.2021 թվականը, սակայն սահմանված ժամկետում բեռը չի հասցվել նշանակման վայր:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի 4-րդ բաժանմունքի պետ Ս.Սարոյանի կողմից 23.07.2021 թվականին Մանուկ Աբրահամյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

Մաքսային կանոնների խախտման վերաբերյալ վարչական վարույթի շրջանակներում ՀՀ ՊԵԿ Հյուսիսային մաքսատուն-վարչություն է ներկայացել թիվ 05100022/180521/0008653 տարանցման հայտարարագրով բեռը տեղափոխի տրանսպորտային միջոցի վարորդ՝ Արման Զաքարյանը և հայտնել, որ 18.05.2021 թվականին FORD TRANSIT մեքենայով Հայաստանի Հանրապետությունից Ռուսաստանի Դաշնություն է տեղափոխել հավաքական բեռ: Տարանցիկ երկրում՝ Վրաստանի Հանրապետությունում ավտոմեքենային վրա դրված կափարակնիքը բացվել է:

Այնուհետև, ավտոմեքենան հետ է վերադարձվել Բավրայի մաքսային կետ-բաժին, որից հետո բեռը տեղափոխվել է Հյուսիսային մաքսատուն-վարչության տարածք: Հայտնել է նաև, որ իրեն հանձնած փաթեթավորված բեռի մեջ հայտնաբերվել է պլաստմասե և ապակյա շշեր, որոնց մեջ, իր կարծիքով, լցված է ալկոհոլ պարունակող հեղուկ, ինչի մասին բեռը հանձնողը իրեն չի տեղեկացրել: Արման Զաքարյանը միաժամանակ հայտնել է, որ ինքը Վրաստանում ձերբակալվել, այնուհետև Ախալցխի շրջանի դատարանի 13.07.2021 թվականի վճռով դատապարտվել է, որի պատճառով էլ հնարավորություն չի ունեցել բեռը սահմանված ժամկետում հասցնել նշանակման վայր: Ներկայացրել է նաև նոտարական կարգով թարգմանված վճիռը:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական իրավախախտումների վերաբերյալ ՀՀ օրենսգրքի ի 247-րդ հոդվածի 1-ին մասի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե առկա է վարչական իրավախախտման դեպքի կամ կազմի բացակայություն:

Հիմք ընդունելով վերոնշյալ իրավակարգավորումը և հաշվի առնելով, որ Մանուկ Աբրահամյանն իր կամքից անկախ պատճառներով հնարավորություն չի ունեցել թիվ 05100022/180521/0008653 տարանցման հայտարարագրով ՌԴ արտահանվող բեռը նշանակման վայր հասցնել, ուստի նման պայմաններում իրավախախտման կազմը բացակայում է:

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդվածի 1-ին մասով, ՀՀ մաքսային օրենսգրքի 221-րդ հոդվածի 1-ին կետի «բ» ենթակետով՝

ՈՐՈՇԵՑԻ

1. Մանուկ Աբրահամյանի նկատմամբ հարուցված վարչական գործի վարույթը կարճել՝ իրավախախտման կազմի բացակայության պատճառաբանությամբ:
2. Որոշման մասին հայտնել Մանուկ Աբրահամյանին:

ՀՅՈՒՍԻՍԱՅԻՆ
ՄԱՔՍԱՏՈՒՆ-ՎԱՐՉՈՒԹՅԱՆ
ՊԵՏԻ ՊԱՇՏՈՆԱԿԱՏԱՐ



Վ.ՀՈՎՀԱՆՆԻՍՅԱՆ